

Powšitkowne WOZJEWJENJA

njedźelu, 9. junija 2024

Zhromadny nyšpor na swjedženju swjateho Bena

Składnostnje 500. róčnicy, zo buchu relikwije swjateho Bena w Mišnje k česći wołtarjow pozběhnjene, su wšitcy wěriwi ze serbskich wosadow na zhromadny swjedženski nyšpor do Radworja přeprošeni. Tón budže njedźelu, 16. junija, w 14.00 hodź. w tamnišej wosadneje cyrkwi. Spěwarjo 1. serbskeje kulturneje brigady jón wobrubja. W Božim domje budže tohorunja postawa swjateho Bena stać, kiž drje Radworskej wosadze słuša, ale kotraž ma jako požčonka swoje městno w priwatnej kapałce Drježdžansko-Mišnjanskeho biskopa. Žony a holcy su přeprošene, so narodnu drastu woblec. Nyšporej přizamknjetej so swačina a bjesada.

Kapałnicy wuhotuja koncert w Chrósćicach

We wobłuku swojeje lětnjeje koncertneje jězby k zakónčenju šulskeho lěta budu Drježdžanscy kapałnicy póndźelu, 17. junija, w 19.00 hodź. duchowny koncert w Chrósćanskej cyrkwi swjateju Symana a Judy wuhotować. Wšitcy su wutrobnje přeprošeni.

Na oratorij Elias do Budyšina

Pod nawodom kantora Michaela Vettera předstaja Budyski ewangelski cyrkwinski chór, orchester Serbskeho ludoweho ansambla a solisća oratorij Elias Felixa Mendelssohna Bartholdyja w Budyskej tachantskej cyrkwi, a to tutu njedźelu, 9. junija, w 17.00 hodź. Zastup je darmotny, wo dary proša.

Měšnika swjećizna diakona Fabiana Rječki

Jezuit Fabian Rječka, pochadźacy z Kulowa a tuchwilu w Kolumbiskej studowacy, budže sobotu, 22. junija, w 11.00 hodź. w cyrkwi swjateho Maćija, 10821 Berlin-Schöneberg, Winterfeldtplatz, na měšnika wuswjećeny. Swoju primicu swjeći wón nazajtra, njedźelu, 23. junija, w 9.00 hodź. w Kulowje. W 14.00 hodź. budže nyšpor z primicnym požohnowanjom. Dale wudžěli nowoměšnik primicne požohnowanje w Róžeńće wutoru, 25. junija, na kóncu Božeje mšě, kotraž zahaji so we 18.00 hodź., kaž tež njedźelu, 30. junija po dopołdnišich kemšach w Ralbicach a po kemšach w 10.30 hodź. w Rakecach.

Wulět dekanatneje młodžiny

Wulět dekanatneje młodžiny budže sobotu, 24. awgusta. Přeprošeni su młodostni wot přichodneho 9. lětnika kaž tež młodži dorosceni. Přizjewjenja přijimuju hač do srjedy, 7. awgusta, na internetowej stronje Worklečanskeho dekanatneho dušepastyrstwa za młodžinu. Link je pod www.posol.de podaty.

Kapałnicy předstaja twórbu Messiah

Drježdžanscy kapałnicy, hudźbnicy Sakskeje statnje kapały a solisća předstaja sobotu, 15. junija, w 19.30 hodź. w Drježdžanskej dwórskej cyrkwi twórbu Messiah komponista Georga Friedricha Händela. Hižo w 17.30 hodź. poskićuju zawod do twórby. Zastupne lisíki móža zajimcy online kupić. Link nańdu pod www.posol.de.

Filmowy wječork

Na filmowy wječork pónđzelu, 10. junija, w 19.00 hodž. su wšitcy zajimcy do Budyskeho ekumeniskeho tachantskeho wobchoda přeprašeni. Tam pokazaja francoski film „Die Rumba –Therapie“ Francka Dubosca. Zastup je darmotny, wo dary praša.

Na swójbne popođnjo do Smochćic

Smochčanske kubłanišćo swjateho Bena přeprašuje tež lěta na swójbnu njedzelu. Wona budže na swjedženju swjateho Bena njedzelu, 16. junija, wot 10.30 do 15.00 hodž. Po swójbnych kemšach wočakuje hosći zaso pisany jewišćowy program, mjez druhim z hudźbu, serbskimi rejemi, klankodźiwadłom, džěćacym cirkusom Krabatino, džěłarničku za bubnowanje, ze skakanskim hrodom kaž tež jězbami z korejtu. Wo čelne derjeměće budže postarane. Zastup je darmotny.

„Suicid wotwobarać – žiwjenju šansu dać“

Hornjołužiske telefonowe dušepastyrstwo přeprašuje přednošk na temu „Suicid wotwobarać – žiwjenju šansu dać“, w kotrymž budže dr. Uta Lewitzka, fachowa lěkarka za psychiatriju a psychoterapiju, k tomu přednošować, kak hodža so suicidy wotwobarać. Na zarjadowanju, kotrež wotměje so štwórtk, 13. junija, wot 18.30 do 21.00 hodž. w Kamjenskej cyrkwi swjateho Justusa při kěrchowje na Kinsporskej dróze 19, porěči tež mać, kotrejež syn je přez suicid zemrěł, wo swojich nazhonjenjach. W tymle wudaću Katolskeho Posoła je na stronje 198 interview z nawodnicu Hornjołužiskeho telefonoweho dušepastyrstwa wozjewjeny.

Z busom do Krupki

Na putniku Božu mšu srjedu, 24. julija, w 10.00 hodž. w Krupce pojedže zaso bus. Štóž chcył sobu jěć, měł so w Radworskim Šmitec wozydłownistwje přizjewić, telefonowe čisło (03 59 35) 28 60.

W Swjatym lěće diecezanske putnikowanje do Roma planowane

Drježdžansko-Mišnjanske biskopstwo přeprašuje wěriwych we wobłuku Swjateho lěta, trajace wot lětušeje patoržicy hač do 6. januara 2026, na diecezanske putnikowanje z biskopom Heinrichom Timmereversom do Roma. Wone wotměje so wot soboty do soboty, 11. do 18. oktobra 2025. Wosomdnjowska busowa jězba wopřijima mjez druhim awdiencu ze swjatym wótcom, swjećenje zhromadnych Božich mšow, dzeń duchowneho rozpominanja, temowe wodženja po Romje kaž tež putnikowanje k sydom cyrkwjam w Romje a we Vatikanje. Zdobom budže přiležnosć, sej město po swójskich zajimach wotkryć. Na tam- kaž tež dompuću je přenocowanje při Gardaskim jězorje planowane. Zajimcy móža so online abo direktnje w běrowach busoweho wozydłownistwa ATeams, kotrež jězbu přewjedže, w Šěrachowje a Budyšinje přizjewić. Linkaj z nadrobnišimi informacijemi k putnikowanju kaž tež k přizjewjenju stej pod www.posol.de wozjewjenej. Za tych, kotřiž so hač do lětušeho 31. decembra přizjewja, je jězba potuńšena.